

ԱՆՍԱ. ՕՀԱՆՁԱՆՅԱՆ

ԳՐԻԳՈՐ ՆԱԶԻԱՆՁԱՅՈՒ ՊԱՀՈՑ ՃԱՌԵՐԻ ՆՈՐԱՀԱՅՏ ՄԵԿՆՈՒԹՅՈՒՆՆԵՐԸ ՏՈՆԱՊԱՏՁԱՌ ԺՈՂՈՎԱԾՈՒՈՒՄ

Բանալի բառեր՝ Գրիգոր Աստվածաբան, Տոնապատձառ, լուծմունք, Վարդան Արևելցի, Վարդան Հաղբատեցի, պահոց ճառեր, մեկնություն, հակածառական գրականություն, Հայեկեցի:

Տոնապատձառ ժողովածուն տոնական տարվա կտրվածքով եկեղեցական տոների մեկնություններ և լուծմունքներ պարունակող հայ եկեղեցական մատենագրության ինքնատիպ միավոր է, որը չունի իր համարժեքն այլ եկեղեցական մատենագրությունների մեջ¹: Այն հայտնի է տարբեր անուններով «տաւնից պատճառ» և ընթերցուածոց մեկնութիւն» (ՄՄ 3795, թթ. 291-292ա), «բացայայտութիւն տաւնից» (ՄՄ 1888, թ. 154բ), «վերլուծութիւն ընթերցուածոց հանդերձ այլոց» (ՄՄ 1204, թ. 324բ), «պատճառ նամակս տաւնից» (ՄՄ 3082, թ. 475ա) և այլն², և օգտագործվել է վանական դպրոցներում ուսուցողական նպատակներով:

Ի. Վարդանյանի շանքերով այսօր արդեն ապացուցված է, որ Տոնապատձառի նախօրինակն է Գրիգորիս Արշարունու (VII դ. վերջ - VIII դ. սկիզբ) «Մեկնութիւն ընթերցուածոց»³, որը շարադրվել է Կյուրեղ երուսաղեմացու «Յաղագս երախայից» երկի կառուցվածքային նմանությամբ և որի երեսունչորս գլուխներում Արշարունին մեկնել է տերունական տոներն ու դրանց ընթերցվածները⁴: Գրիգորիս Արշարունու երկից հետո Տոնապատձառի խմբագրությունները IX մինչև XIII դ. կարելի է պատկերել երկու ճյուղով (ա) Զաքարիա Զագեցու (մահ. 877 թ.), Արիստակես Լաստիվերցու (մոտ. 1002-1080 թթ.), Սամուել Կամբաձառորեցու (940-1010 թթ.), Գրիգոր Գանձակեցու (մահ. 1193 թ.,

¹ Էստ Շառլ Ռենուի՝ սովոր ժողովածուի նման մի բան հետագայում Արևմուտքում սաեղծեց Գիյում Դյուրան Մենդը (1231-1296 թթ.): Տե՛ս Ռենու Շ., «Հայոց ծիսական տարվա զարգացումը VIII-IX դարերում ծիսական մեկնությունների և գրեթե հենքի վրա», ՊԲՀ, 3, 2008, էջ 81, տղ. 23: Հնագոյն ձեռագրում՝ ՄՄ 3795 (1190 թ.), գրիշ Փիլիպոսը հայտնում է Տօնապատճառի գրուրյան նպատակը. «Հարայալ եւալ են զաս սուրբ և ճշմարիս արդինական վարդապետք եկեղեցն յուրախուրին հաւատացելոց՝ որդոց նոր Սիննի... պատճառ է սա ուսումաէր և տանասիրաց անձանց...», թ. 292ա: Տե՛ս նաև՝ Հայերեն ձեռագրերի հիշատակարաններ Ե.-Բ.Ժ. դարեր, աշխ. Ա. Մաթեոսյանի, Երևան, 1988, էջ 261:

² Վարդանյան Ռ., Հայոց տոնացուցը (IV-XVIII դարեր), Երևան, 1999, էջ 216:

³ Նույն տեղում, էջ 214:

⁴ Գրիգորիս Արշարունու քորեպիսկոպոսի Մեկնութիւն ընթերցուածոց, ներած. Ք. Զաքարյանի, Վենետիկ, 1964, էջ 83-215, նաև ՄՀ, 9 հ., լ. դար, Անդիլիս-Լիբանան, 2005:

խմբագիր չէ, բայց ունի որոշակի ներդրում) խմբագրություններ, և բ) Վարդան Հաղբատեցու (մահ. 1193/95 թ.), Հովհաննես Գանձակեցու (XIII դ.), Վարդան Արևելցու⁵ (մոտ. 1200-1271 թթ.) և Հովհաննես Երզնկացու (1225/30-1293 թթ.) խմբագրություններ:

Ընդունված է ասել, որ Տոնապատճառը տոնածիսական կամ մեկնողական ժողովածու է, սակայն մեր պատկերացմամբ այն նաև հակաքաղկեդոնիկ հակածառական բնույթի⁶ տեքստային կուռ համակարգ է, ծրագիր, որը, որպես կանոն, սկսվում է դեկտեմբերի 25-ով՝ Դավիթ մարգարեին և Հակոբոս Տյառնելքորը նվիրված եկեղեցական տոնի մեկնությամբ՝ ցուց տալու համար, որ Հայ եկեղեցում դեկտեմբերի 25-ին տոնվում է Դավիթի և Հակոբի տոնը, ոչ թե Քրիստոսի Ծնունդն, ինչպես երկարնակ եկեղեցիներում:

Սույն հոդվածի շրջանակներում խոսելու ենք Տոնապատճառ ժողովածուի երկրորդ ճյուղի՝ Վարդան Հաղբատեցու, և, հատկապես, վերջինիս հիմքի վրա արված Վարդան Արևելցու խմբագրություններում պահպանված Մեծ Պահքին նվիրված Գրիգոր Նավիանգացու ճառերի ինքնատիպ լուծմունքների շուրջ:

Հատկանշական է, որ Տոնապատճառի Վարդան Հաղբատեցու և Վարդան Արևելցու խմբագրություններն ունեն ընդգծված հակաքաղկեդոնական բնույթ։ գրեթե բոլոր միավորները հագեցած են հակածառական, երբեմն խիստ հակաբրաբնակ դրվագներով, և դժվար չէ եզրակացնել, որ դրանք ստեղծվել են Հյուսիսային վարդապետների կողմից Բյուզանդիայի և Վրաց եկեղեցիների, ինչպես նաև տեղի քաղկեդոնական հայերի⁷ հետ տոնածիսական անհամաձայնությունների շուրջ հակածառելու նկատառումով⁸:

Մեր նախորդ հոդվածներում արդեն ցուց ենք տվել, որ Վարդան Հաղբատեցին Տոնապատճառի նոր խմբագրությունը ձեռնարկել է ներսես Ծնորհալու պատվերով 1171-1173 թթ. միջն ընկած ժամանակահատվածում՝ վերջինիս հետ Հռոմեայի 1169-1170 թթ. Միարարական ժողովի առաջին փուլին մաս-

⁵ Տոնապատճառի Վարդան Արևելցու խմբագրության շուրջ տե՛ս Անթարյան Փ., «Տօնապատճառ ժողովածուն», ԲՄ, 10, 1971, էջ 103-127: Վարդանյան Ռ., նշվ. աշխ., էջ 216: Նաև Օհանջանյան Ա., Տօնապատճառ ժողովածուի Վարդան Հաղբատեցու, Վարդան Արևելցու և Հովհաննես Գանձակեցու խմբագրությունները, Մաս Ա., (Ներածություն), Ա. Էջմիածին, 2017, էջ 6:

⁶ Այս և հետագա բոլոր ընդգծումները մերը են – Ա. Օ.:

⁷ Հայ բաղկերոնականների մասին տե՛ս Mapp H., “Аркаун, монгольское название христиан в связи с вопросом об армянах-халкидонитах”, *Византийский Временник*, XII, вып. 1-4, 1906: Տե՛ս նաև Арутюнова-Фиданян В., *Армяне-халкидониты на восточных границах Византийской империи (XI в.)*, Ереван, 1980, տե՛ս նաև Аկոպյան Յ., “Особенности иконографии армяно-халкидонитских памятников (Х-XIII вв.)”, *ИФЖ*, № 2-3, 2009, сс. 167-185:

⁸ Տոնապատճառի հականառական-հակամարդկանիկ բնույթի մասին տե՛ս Օհանջանյան Ա., Տօնապատճառ ժողովածուի Վարդան Հաղբատեցու ..., էջ 8, 12-14:

նակցելուց և Հայաստան վերադառնալուց անմիջապես հետո⁹, քանի որ ժողովի ընթացքում հասկանալի էր դարձել նոր, հակածառական բնույթի խմբագրության անհրաժեշտությունը¹⁰: Նա, ապա նաև Վարդան Արևելցին Տոնապատճառի իրենց խմբագրություններում ներառել են հատվածներ ներսես Ծնորհալու «Մատթեոսի ավետարանի մեկնություն»-ից և Գրիգոր Նազիանզացու «Ի ծնունդն Քրիստոսի» (=«Ի յայտնություն Տեառն») ճառի՝ ներսես Ծնորհալու հեղինակած և Վարդան Հաղբատեցու ընդարձակած լուծմունքից¹¹: Ծնորհալին կարևորում էր Գրիգոր Աստվածաբանի երկերը, գրելով, թե «քազումք ի սրբոց վարդապետաց խաւսեցան ի բանս իւրեանց ընդդէմ զայսպիսի ասողաց (իմա՞ երկաբնակների – Ա. Օ.)... բայց զմիոյն ասեմ զմեծին Գրիգորի Աստուածաբանի...»¹²: Նա հիմնականում մեջբերումներ էր անում «Ի ծնունդն Քրիստոսի», «Ի սուրբ Պատրիք» ճառերից և «Առ Կղեդոնիոս Ա և Բ» թղթերից¹³: Բանն այն է, որ Գրիգոր Աստվածաբանի երկերը բացառիկ հեղինակու-

⁹ Այս մասին մանրամասն տե՛ս **Օհանջանյան Ա.**, «Գրիգոր Նազիանզացու «Ի ծնունդն Քրիստոսի» հասի Եղիա Ասորու և Վարդան Հաղպատեցու հեղինակած լուծմունքները և դրանց արտացորումը «Տոնապատճան» ժողովածուներում», *Տարեգիրք Աստվածաբանության ֆակուլտետի*, Ը., 2014, էջ 52-82:

¹⁰ Հաղբատեցին նոր խմբագրությունը հաստատել է տվել Ներսես կարողիկոսին, ինչի մասին ունենք գրի Խաչատորի վկայությունը, ով ըստ Փ. Անքարյանի՝ եղել է Վարդան Հաղբատեցու աշակերտներից մեկը. «...վարդապետն իմ Վարդան եցոյց ինձ գրեալ [նյուսացու հաւերի պատճառները – ծան.] յիսում Տանապատճանին, զոր իմ իսկ հաստատեալ էր ի տէր Ներսիսէ հայոց կարողիկոսէ» (ՄՄ 1897, թ. 108ա): Տե՛ս նաև՝ **Անքարյան Փ.**, Վարդան Արևելցի, Ը. Ա., Երևան, 1987, էջ 238, նաև՝ **Վարդանյան Ռ.**, նշվ.աշխ., էջ 222:

¹¹ **Օհանջանյան Ա.**, *Տօնապատճան ժողովածուի Վարդան Հաղբատեցու ...*, էջ 13, 35-36, 43-44: Ներսես Ծնորհալու ծեռփող Գրիգոր Աստվածաբանի «Ի ծնունդն Քրիստոսի» լուծմունքի գրույան մասին տե՛ս **Ալիշան Դ.**, Ծնորհալի և պարագայ իւր, Վենետիկ, 1873, էջ 264-265, **Ալիշան Ն.**, Վարդան վարդապետ Հաղբատեցի, Մատենագրական հետազոտություններ, Ը. 1, Վիեննա, 1922, էջ 70-71, **Մուրադյան Կ.**, Գրիգոր Նազիանզացին հայ մատենագրության մեջ, Երևան, 1983, էջ 172: Խնդրի հանգամանալից հննությունը տե՛ս **Օհանջանյան Ա.**, «Գրիգոր Նազիանզացու «Ի ծնունդն Քրիստոսի» հասի Եղիա Ասորու և Վարդան Հաղպատեցու հեղինակած լուծմունքները...», էջ 52-82:

¹² Բնդհանրական թուղթք սրբոյն Ներսիսի Ծնորհալուոյ, նորին տեառն ներսիսի կաթուղիկոսի թուղթ գրեալ յեպիսկոպոսութեան իւրում..., Երևանիմ, 1871, էջ 250:

¹³ Այս հաներից բաղսմները համեմատական այունակով ներկայացրել է Կ. Մուրադյանը, տե՛ս **Մուրադյան Կ.**, նշվ. աշխ., էջ 153-155: Գրիգոր Նազիանզացու «Առ Կղեդոնիոս Ա և Բ» բորբերը մշտապես եղել են Հայ եկեղեցու հակաերկարնակ հականառական գրականության միջուկը՝ ավելի ոչ շրջանում XV-XVIII դդ., կիրառվելով Կարողիկ եկեղեցու ներկայացուցիչների հետ վիճաբանելիս: Բավական է հիշել միայն Հովհաննես Մրգուղ Զուլայեցու (1643-1715 թթ.) մեջբերումները Կեղոնդիոսին ուղղված Բ բղբից. «Երանելի աստուածաբանն Գրիգորիս յեւկրորդ գիրքն առ Կղեդոնիոս ասէ. Ո՞ ո՞ արդեօֆ ի նոսս ոչ ըստանշասի յաղագս իմաստուրեանն, որք յայտնապես ինքեանք զՔրիստոսին որոշեն զծնունդն և զփորձանս, զՔաղցնուզն և զվաստակիլն, զծարավիլն և զննչեն, ընդ մարդկայնոյն միատին, իսկ զիրեշտակացն զփառատրութիւնն և զփորձին յաղբել, և զգաղցեալսն կերակրել... զիամբանալն... տեսանե՞ս, ով պանծալի եղբայր, թէ որքան Աստուածաբանն Գրի-

թյուն էին վայելում թե՛ քաղկեդոնական, թե՛ հակաքաղկեդոնական եկեղեցիներում, և միջեկեղեցական բանակցությունների ընթացքում, որոնց մասնակցում էին Ծնորհալին և Վարդան վարդապետը, հաճախ էին մեջբերվում, քանի որ նազիանզացու քրիստոսաբանական¹⁴ ձեւակերպումների համընդհանուր ձանաշման հիմունքով ձգտում էին համել այս հարցում եկեղեցիների հաշտեցմանը: Այնուամենայնիվ, յուրաքանչյուր կողմ նազիանզացու բնագիրը մեկնում էր յուրովի, այդ իսկ պատճառով վերջինիս որոշ ճառերի լուծմունքների ստեղծումը գառնում է հրամայական: Այսպիսով, Հաղբատի և Սանահնի աստվածաբանական դպրոցներում ձևավորվում է Գրիգոր Նազիանզացու ճառաշարերի, հատկապես, «Քրիստոս ծնեալ» ճառաշարի միավորները մեկնելու ավանդույթ¹⁵, որը ձգվում է մինչև XVIII դ., երբ Մեսրոպ Գանձակեցին գրում է իր քաղվածողությունքները¹⁶:

Եվ աշա, նույն ավանդույթին հետևելով՝ Վարդան Հաղբատեցին, հետագայում էլ Վարդան Արևելցին Տոնապատճառի իրենց խմբագրություններում ներառելու նպատակով ստեղծում են մինչ օրս հայագիտությանն անծանոթ մեկնողական ժանրի գոհարներ՝ Գրիգոր Նազիանզացու «Քրիստոս ծնեալ» ճառաշարի¹⁷ Գրիստոսի ծննդին և մկրտությանը և Մեծ Պահքի շրջանին նվիրված ճառերի լուծմունքները:

գորիսու անբանս զնոսա կոչէ, որք զներգործութիւնս բաժանեն և զանազանեն...», Հռվեանիս Մրենս, Գիրք համառօտ վասն իսկապէս և ծշմարիս հաւատոյ և դաւանութեան ուղղափառ կաթողիկէ ընթանուր Հայաստանեաց եկեղեցւոյ, Նոր Ջուլա, 1688, էջ 101-103:

¹⁴ Գրիգոր Նազիանզացու երկերը քննելիս «Երիստոսաբանություն» եղը պետք է հասկանալ ընդհանուր իմաստով՝ որպես Քրիստոսի մարդեղության վերաբերյալ վարդապետություն, կամ, որ ավելի ճիշտ է, «Փրկարանական» (ստերոլոգիական) իմաստով, բանի որ Երիստոսաբանությունն իր դասական իմաստով, այսինքն՝ որպես Քրիստոսի երկու բնույթունների միության ձևի վերաբերյալ վարդապետություն, ձևավորվել է V դարում:

¹⁵ Այս ավանդույթը իրականում սկիզբ է առել դեռ XI դ. վերջերին՝ Հռվիաննես Սարկավագի և նրա աշակերտ Սարգս Կունդի մենաղական երկերով: Հաղբատի և Սանահնի դպրոցներում ձևավորված մեկնողական ավանդույթի մասին տե՛ս Օհանջանյան Ա., «Գրիգոր Նազիանզացու «Փ ծնունդն Քրիստոսի» հատի լուծմունքների գրության ավանդույթը Հաղբատի և Սանահնի դպրոցներում», Տարեգիրք Աստվածաբանության Փակուտետի, Թ, 2015, էջ 92-109:

¹⁶ ՄՄ 1466 պարունակում է Գրիգոր Նազիանզացու «Առ որս» և «Քրիստոս ծնեալ» հասարերի՝ Մեսրոպ Գանձակեցու հեղինակած բաղվածողությունները: Մեսրոպ Գանձակեցու լուծմունքների մասին տե՛ս Մուրադյան Կ., նշվ. աշխ., էջ 169, 189-190:

¹⁷ Գրիգոր Նազիանզացու «Քրիստոս ծնեալ» հառաշարը բաղկացած է տասներկու միավորից, որոնցից հրատարակվել է միայն Ա. միավոր՝ նվիրված Քրիստոսի ծննդին կամ Յայտնությանը, տե՛ս Գիրք և ճառ հոգեշահ, Կոստանդնուպոլիս, 1722, էջ 7-28: Սույն հրատարակության մեջ Նազիանզացու հառին հաջորդում է անանոն մի լուծմունք կարհասոտ պատճառով հանդերձ, որն, ինչպես պարզել եմ, ներսես Շնորհալու հեղինակած և Վարդան Հաղբատեցու կողմից ընդարձակված լուծմունքն է, մինչեւ հակիրճ պատճառը եղիս Ասուրունն է:

Վարդան Հաղբատեցու խմբագրության ՄՄ 2021 ձեռագրում (թթ. 163ա-171ա), որն ուշ շրջանի ընդօրինակություն է, գտնում ենք Գրիգոր Նազիանզացու «Ի պահու իմում» ճառի պատճառն ու լուծմունքը, իսկ Վարդան Արևելցու խմբագրության հայտնի ՄՄ 4139 ձեռագրում, որն ընդօրինակվել է 1267 թ. Հաղբատում վերջինիս կենդանության օրոք, պահպանվել են Նազիանզացու «Ի Պասքայ և ի յեղգութիւն» (թ. 228ա-228բ) և «Ի պահու իմում» (թ. 228բ-235ա) ճառերի պատճառներն ու լուծմունքները¹⁸: ՄՄ 4139-ում տեղ են գտել Վարդան Արևելցու հեղինակած մի շարք ճառային միավորներ, որոնք մեծ մասամբ հրատարակված են¹⁹: Այնուամենայնիվ, որոշ միավորներ, որոնց վերտառությունը չունի Վարդան վարդապետի անունը, և որոնք, մեր համոզմամբ, պատկանում են Արևելցու գրչին, դուրս են մնացել հրատարակիչների ուղարկությունից, այդ թվում «Ի Պասքայ և ի յեղգութիւն» և «Ի պահու իմում կացից» ճառերի լուծմունքները²⁰:

Վարդան Հաղբատեցու խմբագրության ՄՄ 2021 ձեռագրի «Ի պահու իմում» ճառի պատճառն ու լուծմունքը հանդիպում են Տոնապատճառի բազմաթիվ ձեռագրերում (ՄՄ 5862, 2195, Վնտկ. 828, 1098, 1586 ևն), մինչդեռ Վարդան Արևելցու խմբագրության ՄՄ 4139 ձեռագրում պահպանված պահոց ճառերի լուծմունքները (բայց ոչ պատճառները) բացառիկ են և եզակի, քանի որ չեն հանդիպում ո՛չ Վարդան Արևելցու խմբագրության այլ ձեռագրերում (ՄՄ 3082, 2039 ևն), ո՛չ էլ վերջինիս հենքի վրա կատարված Հովհաննես Երգնկացու խմբագրության ձեռագրերում (Վնտկ. 21, Փրզ. 103, հնարավոր է նաև ՄՄ 2020):

«Ի պահու իմում» ճառի իր հեղինակած պատճառում Վարդան Հաղբատեցին, օգտվելով եվսերիոս Կեսարացու «Եկեղեցական պատմություն»-ից²¹, հակիրճ ներկայացնում է առաքյալներից հետո Զատկի (=Քրիստոսի Յարության) տոնման օրվա շուրջ եկեղեցիների տարբերությունները, որոնցով հանդերձ եկեղեցին միանական էր.

«Վասն որո ի ժամանակս նոցա և զկնի յայլ և յայլ աւուրս տօնէին զջատիկն: Հռոմաէցիքն ի Պետր]ոսէ և ի Պողոսէ ընկալեալ ի կիւրակէ տօնէին և

¹⁸ «Ի Պասքայ և ի յեղգութիւն» նատի բնագիրը տե՛ս PG, t. 35, pp. 396-401, հայերեն բարգմանությունը տե՛ս ՄՄ 946 (ԺԲ դ), p. 737ա-բ: «Ի պահու իմում» նատի բնագիրը տե՛ս PG, t. 36, pp. 624-664, հայերեն բարգմանությունը տե՛ս ՄՄ 946, p. 741ա-742բ:

¹⁹ Վարդան Արևելցի, ճառեր, ներբողներ, (աշխ.՝ Հ. Քյոսելանի), Երևան, 2000:

²⁰ «Ի Պասքայ և ի յեղգութիւն» նատի լուծմունքի ուսումնասիրությունը դուրս է սույն հոդվածի շրջանակներից: Վարդան Հաղբատեցու և Վարդան Արևելցու հեղինակած վերոնշյալ տոնապատճառային բոլոր միավորների բնագրերը պատրաստել ենք հրատարակության: Դրանք լրիս կտեսնեն Տօնապատճառ ժողովածուի բնագրերի Մաս Բ-ում:

²¹ Եսերիոս Կեսարացի, Պատմութիւն եկեղեցւոյ (աշխ. Ա. Ճարեան), Վենետիկ, 1877:

ասիացիքն ի Յոհաննէ աւետարանչէ ուսեալ ըստ լրմանն և ըստ Մովսէսի օրինացն։ Եւ այլք ոմանք ըստ Տեառն աւանդելո խորհրդաւոր Գառինն ի Վերնատաննն... Այլ թէպէտ և այսպէս տօնէին ի զանազան աւուրս, սակայն խաղաղութիւն էր առ միմեանս...» (ՄՄ 2021, թ. 163բ):

Ապա կրկին քաղելով եվսեբիոսի երկից՝ Հաղբատեցին ներկայացնում է Հոռմի եպիսկոպոս Բեկտոր (Վիկտոր) Ա-ի (մահ. 199 թ.) և Եփեսոսի Պոլիկրատոս եպիսկոպոսի (մոտ. 130-196 թթ.) միջև ծագած տարածայնությունները Զատկի տոնման օրվա շուրջ և հասնում մինչև Նիկիայի 325թ. ժողով, որտեղ և կանոնակարգվեց Զատկի տոնը ու սահմանվեց տոնել այն կիրակի օրը: «Բայց յետ այնորիկ ի տեղիս տեղիս երևէր դեռևս խծբիծ իմն ըստ հին սովորութեանցն»²² մինչև Գրիգոր Նազիանզացու ժամանակները: Գրիգոր Նազիանզացին «ի մարդկաին օգնականութենէ ոչ ինչ գտեալ հնարս» փորձում է Քրիստոսի Հարությունը տոնելու ճշգրիտ օրն իմանալ միայն Աստծուն ապավինելով և, հետևելով Ամբակում մարդարեի²³ օրինակին, «պահօք և աղօթիւք առնուլ զինդրելին» (ՄՄ 2021, թ. 164ա): Այդ պատճառով էլ իր ճառը սկսում է Ամբակումի ի սուքերով «ի պահու իմում կացից» (Ամբ. Բ 1):

Վարդան Հաղբատեցու հեղինակած պատճառը հակիրճ է, առանց պատմական մանրամասների նկարագրության: Պատճառի դրվագներից մեկի քննությունը էլ ավելի է ամրապնդում Վարդան Հաղբատեցու տոնապատճառային այս միավորի հեղինակը լինելու մասին մեր ենթադրությունը: Նշելով, որ Եկեղեցու հայրերն իրենց ճառերին հեղինակություն հաղորդելու համար ավանդաբար սկսում էին մարգարեական գրքերից մեջբերելով, Հաղբատեցին Գրիգոր Նազիանզացու կողքին հիշում է Բարսեղ Կեսարացուն և Դավիթ Անհաղթին.

«Որպէս և պայծառ ջահն եկեղեցու Բասիլիոս, զդաւթեանն առեալ բան, զբովանդակ գ Գիրս Պահոցն ի վերա շինէ յասելն. «Փողեցէք, ասէ, [ի նոր ամսեանն յառաջին նշան, որ տաւնի]»²⁴: Նմանապէս և սուրբ վարդապետն և պարծանաց որդին Հայաստանեաց Դաւիթ իմաստասէր և փիլիսոփա զբան

²² ՄՄ 2021, թ. 164ա:

²³ Ամբակում մարգարեան ասում է. «Ի պահու իմում կացից և ելից ի վերայ վիմի, և դիտեցից տեսանել զինշ խասիցի ընդ իս և զինշ տացէ պատասխանի յանդիմանութեան իմոյ» (Ամբ. Բ 1): Մարգարեան, պահէր Երկարաձգելով և վեմի վրա (որոշ բարգմանուրյուններում աշտարակին)՝ դիտակետին կանգնելով ու սպասելով, ստանում է ապոկալիպտիկ պատասխան, որը Երիստոնեական միջավայրում մեկնվում է որպես Ռեդու Երկրորդ Գալստի ավելում: «Ի վերայ վիմի» կանգնելը և «Ռիտելը» մարգարեան համար նշանակում էր ուշադրության ծայրանեղ լարում և զիտակցության փոփոխում, որի ժամանակ կարող էր լսել Աստծո ձայնը և զգալ նրա ներկայությունը: Գրիգոր Նազիանզացին, կրկնելով Ամբակումի սիրանել, հիսում օր պաս պահելով, Մեծ Պահի «միաշաբարոց զիշերը, զոր կիրակէ կոչեմի», տեսնում է ահազդու մի այրի, որին մեկնիշները համարում են Գարդիել հրեշտակապեար, և ստանում է իր հարցի պատասխանը:

²⁴ Հմմտ. Սաղմ. Զ 4: Պահոց գրի բնագրի այս հատվածը տես Բարսեղ Կեսարացի, Գրիգոր պահոց (աշխ. Կ. Մուրագյանի), Ս. Էջմիածն, 2008, էջ 54:

դրւատեաց և զգովեստ աստուածքնկալ խաշին ի բանիցն Դաւթա սկսանի յասելն. «Բարձրացուցէք զՏէր»²⁵: Այսպես և մեծ Գրիգորիոս, մտախոհ եղեալ խոհականութեամբ և տեսեալ, զի ըստ նմանութեան պահոց մարգարէին Ամբակումա հանդերձեալ էր պահել և խնդրւած առնել»²⁶:

Բարսեղ Կեսարացուն Գրիգոր Աստվածաբանի կողքին հիշելը տրամաբանական է, բայց ինչու է այս կոնտեքստում հիշվում Դավիթ Անհաղթի «Բարձրացուցէք»-ը: Հավանական է, որ Հաղբատեցին ակնարկում է ընհանրական եկեղեցու հայրերից հայ եկեղեցու մատենագիրներին ճառագրական ավանդութիւնումը: Սակայն մեր կարծիքով՝ կա մեկ այլ պատճառ. հայտնի է, որ Վարդան Հաղբատեցին ներսես Շնորհալու հետ միասին ձեռնամուխ էր եղել Դավիթ Անհաղթի «Ի սուրբ իսակ աստուածընկալ» կամ «Բարձրացուցէք» ներբողի մեկնությունը գրելուն, որը հետագայում Շնորհալին վերածել է շափածոյի²⁷: Ուրեմն, հնարավոր է, որ Վարդան Հաղբատեցին տոնապատաճային այս միավորը գրելիս հղում է իր բոլորովին նոր արված մեկնությանը:

Վարդան Արևելցին, իր հերթին օգտվելով Վարդան Հաղբատեցու տոնապատճառային միավորներից, «Ի պահու իմում»-ի իր նորաստեղծ լուծմունքի (ոչ թե պատճառի) հենց առաջին տողերում հիշում է Դավիթ Անհաղթին և նրա վերոնշյալ ներբողը, իսկ հետագայում գրում է վերջինիս լուծմունքը²⁸ Տոնապատճառի իր խմբագրության մեջ ընդգրկելու նկատառումով²⁹: Վարդան Արևելցու լուծմունքում հատվածը հետևյալ ձևով է.

²⁵ Հմմտ. Սալմ. ձԽԹ 6: Բնազիրը տե՛ս Դաւիթ Անյաղթ փիլիսոփայի մատենագրութիւնք և թուղթ Դիտայ կաթողիկոսի առ Դաւիթ, Վենետիկ, 1932, էջ 9-25, արտապված՝ ՄՀ, Զ հատոր, Յանելուած, էջ 1017-1029:

²⁶ ՄՄ 2021, թ. 164ա-164բ:

²⁷ Ալիշան Դ., նշվ. աշխ., էջ 260-263: Ակինյան Ա., նշվ. աշխ., էջ 70:

²⁸ Վարդան Արևելցին սույն լուծմունքի սկզբում գրում է. «Արդ, երէ «Քրիստոս ծնեալ» նաոր պատշաճէ Ծննդեան աւուն, ապա այսաւ կարի պատեհազյն է աստի խաւել, որ չէ պակաս, իան զայն ի զորութենէ մտաց և յաւգուս լաւացան և ի պայծառութիւն տանական աւուս, զոր ողորմութեամբն Աստուծոյ բերան եղեալ աստուածընդալ մտացն Դավիթ» (ՄՄ 4139, թ. 347ա-բ): Փաստորեն, Արևելցին մատնանշում է Գրիգոր Աստվածաբանի «Քրիստոս ծնեալ» նաոր լուծմունքի ընդգրկումը Տոնապատճառում ու նաև այն հանգամանքը, որ Աստվածաբանի և Անհաղթի նաուերի լուծմունքները ոչ թե պատահական, այլ հասուկ են ներառվել Տոնապատճառի կազմում, բանի որ «պատշաճում» են, ասել է թե՝ դավանաբանական ամուր հող են ստեղծում այս կամ այն տոնը մեկնելու համար:

²⁹ Ինչպես մյուս լուծմունքների, այնպես էլ «Բարձրացուցէ»-ի դեպքում իշշ հավանական է ամբողջական մեկնության գոյուրյունը. Տոնապատճառի հիմնավոր ուսումնասիրությունը բոյլ է տախս եղրակացնել, որ Վարդան Արևելցին գրեթե բոյլոր լուծմունքները հեղինակել է զուտ վերջինիս կազմում ընդգրկելու նպատակով՝ ընտրելով հականառական իր ծրագրին համապատասխանող տեղիները միայն: Վարդան Արևելցու «Բարձրացուցէ»-ի լուծմունքի շուրջ տե՛ս Մելքոնյան Ա., Դավիթ Անհաղթի՝ խաչին նվիրված ներբողի մեկնությունը «Տօնապատճառ» ժողովածուում, «Էջմիածին», 2013, ԺԱ, էջ 84-90: Լուծմունքի բնազիրը տե՛ս Մելքոնյան Ա. Վարդան Արևելցու՝ Դավիթ Անհաղթի «Բարձրացուցէ»-ի նորահայտ մեկնու-

«[Բան] Ի պահու իմում կացի[ց]: [Լծ.] Իբր հիմն տան է մարգարէս, Գրիգորի որպէս այլուր զբերան իմ բացի և առ հզ: Նոյնպէս Բարսէղ՝ «Փողեցէք, ասէ, ի նոր մարգարէն» ասէ, որպէս Դաւիթ «Բարձրացուցէք զՏէր»: Ամբակում ասէ, «Դատաւորքն անիրաւ դատէին, ասէ, ընդէ ր ցուցէր ինձ ցաւս և աշխատութիւնս բազումս» (ՄՄ 4139, թ. 231բ):

Գալով «Ի պահու իմում»-ի Վարդան Հաղբատեցու հեղինակած լուծմունին, պետք է նշենք, որ այն լոնդօրինակված է մի շարք ձեռագրերում: Հաղբատեցին մեկնում է Ամբակումի, ապա նաև Գրիգոր Աստվածաբանի պատմական ժամանակաշրջանների կոնտեքստում: Լուծմունինքում է մեկնողական պատմական, նաև տիպաբանական եղանակը, թեև նկատելի են նաև այլաբանական նրբերանգներ³⁰: Լուծմունքային հատվածները ծավալուն են, այնպէս, որ ընթերցողին ներկայանում է ամբողջական մի պատկեր, ինչը Գրիգոր նազիանզացու ճառի բնագիրն իսկապէս դարձնում է դյուրըմբոնելի: Զգացվում է, որ Հաղբատեցին ձգտում է բացատրել, «լուծել» Գրիգորի խոսքերը՝ ծառայեցնելով լուծմունին իր իրական նպատակին: Որպէսզի ասվածն անհիմն շթվա, ստորև բերենք լուծմունիից մի հատված:

[Բան] Ի պահու իմում] ասէ սքանչելին Ամբակում]: [Լծ.] Սքանչելի կոչէ զնա վասն մարգարէական հոգոյն, զի սքանչացման իրք են զհանդերձեալսն պատմել: Եւ դարձեալ, զի գԴանիէլ կերակրեաց ի գփի անդ: Եւ այսոքիկ սքանչելիք մեծ էին, վասն որոյ «սքանչելի» կոչէ:

Յարէ ի նորայն պահոց պնդութիւն և զիւրն յասելն. [Բան] «Եւ ես ընդ նմա այսօր տուեցելո ինձ իշխանութեանս և տեսութեանս»: [Լծ.] Ցուցանէ, թէ որպէս նմա իշխանութիւնն տուեալ էր յօրինաց անտի կալ ի վերա դատաստանացն և տեսանել հոգով մարգարէութեան: Եւ ես ունիմ, ասէ, իշխանութիւն եպիսկոպոսութեան յառաքելական ձեռնադրութենէ անտի, որք և Հոգովն Արքով ձեռնադրեալք եղեն և մկրտեցան (ՄՄ 2021, թ. 165ա-բ):

Այնուամենայնիվ, ի տարբերություն Տոնապատճառի կազմում ընդգրկված Գրիգոր Աստվածաբանի «Քրիստոս ծնեալ» ճառի լուծմունի՝ «Ի պահու

թյունը, ԲՄ, 22, էջ 394-400: Սոյն լուծմունի բննական բնագիրը պատրաստել ենք հրատարակության. այն լույս կտեսնի Տօնապատճառ Ժողովածովի բնագրերի Մաս Գ-ում:

³⁰ Հայ մեկնողական ավանդույթի որոշ առանձնահատկությունների մասին տե՛ս Thomson R., “Is there an Armenian Tradition of Exegesis?,” in *Studia Patristica, Papers Presented in Fourteenth International Conference in Patristic Studies, held in Oxford, 2003*, ed. F. Young, M. Edwards and P. Parvis, Leuven-Paris-Dudley, MA, 2006, pp. 97-113; **idem**, “Aspects of Medieval Armenian Exegesis,” in *New Approaches to Medieval Armenian Language and Literature*, ed. J. Weitenberg, Amsterdam-Atlanta, 1995 pp. 47-61; Hovhannessian V., “A Medieval Armenian Scholion on the Catholic Epistles,” in *Exegesis and Hermeneutics in the Churches of the East, Selected Papers from the SLB Meeting in San Diego, 2007*, ed. V. S. Hovhannessian, New York, 2009:

իմում»-ի լուծմունքը գրելիս Հաղբատեցին գրեթե չի օգտվում Եղիա Ասորու լուծմունքից, թեև իսկամ աղոտ, բայց նկատելի են Եղիայի լուծմունքի հետքերը Հաղբատեցու հեղինակած պատճառում³¹:

Հետաքրքրական է նաև, որ Վարդան Հաղբատեցու հավանությամբ Գրիգոր Նազիանզացու «Քրիստոս ծնեալ» ճառաշարի պատճառներն ու լուծմունքները հեղինակած Դավիթ Քոբայրեցու ինքնազիր ՄՄ 5602 ձեռագրում «Ի պահու իմում»-ի պատճառը չկա. սկսվում է լուծմունքով (թ. 50ա), որն աղերսներ ունի Հաղբատեցու լուծմունքի հետ, բայց նմանությունները սակավաթիվ են: Փոխարենը կարելի է ասել, որ Դավիթ Քոբայրեցին առատորեն օգտվել է Եղիա Ասորու լուծմունքից՝ երբեմն ուղղիղ մեջբերումներ անելով, օրինակ.

Դավիթ Քոբայրեցի,
Ի սուրբ Պատքայն, ՄՄ 5602

Եղիա Ասորի,
Ի սուրբ Պատքայն, ՄՄ 1480

Որպես Աբրամն անուն անյայտ էր յառաջ, իսկ յետոյ միոյ տառին յաւելուածով լուածով յայտնի եղև Աբրամ, որ է հայր յայտնի եղև Աբրամ, որ է հայր ընտրեալ ընտրեալ հնչման, Սոյնպէս և Սարային հնչման, Սոյնպէս և Սարային հսահակայն, Յեսովայն... (թ. 54 ա):

Որպես Աբրամն անուն անյայտ էր յառաջ, իսկ յետոյ միոյ տառին յաւելուածով լուածով յայտնի եղև Աբրամ, որ է հայր ընտրեալ հնչման, Սոյնպէս և Սարային հսահակայն, Յեսովայն... (թ. 138ա):

Եղիա Ասորու, Վարդան Հաղբատեցու և Դավիթ Քոբայրեցու «Ի պահու իմում»-ի պատճառն ու լուծմունքները հետագայում ընկել են նույն ճառի «Գիրք պատճառաց»-ի հեղինակ Գրիգոր Աբասյանի հեղինակած տեսության հիմքում³², որն էլ իր հերթին դարձել է Վարդան Արևելցու խմբագրության ՄՄ 4139-ում պահպանված «Ի պահու իմում կացից» ճառի պատճառի հիմնական աղբյուրը:

Ի տարբերություն Վարդան Հաղբատեցու պատճառի՝ Վարդան Արևելցու Տոնապատճառում «Ի պահու իմում»-ի պատճառը, կամ ավելի ճիշտ, տեսությունը, բավականին ծավալուն է, պատմական իրադարձությունների մանրակրկիտ նկարագրությամբ: Արևելցին, հիմնվելով Գրիգոր Աբասյանի բնագրի վրա, նախ ներկայացնում է ճառն ասելու ժամանակը և նպատակը՝ «զճառ զայս ասացեալ յիւրում հայրապետութեանն՝ որպէս զՅարութեանն ճառ յիւրում քահանապութեանն... այսպէս ամենայն ուրէք կամէք զբարէպաշտութեան աւանդիցն իմանալ և հաստատել», ապա, շնշելով Եվսեբիոս Կեսարացու անունը, այլ ուղղակի գրելով «որպէս ասէ ի պատմութեան», մանրամասն ներկայացնում է

³¹ Վարդան Հաղբատեցու որոշ պատճառների, այդ թվում և «Ո պահու իմում»-ի համառոտ տարբերակներն ամփոփված են ՄՄ 6362-ում, որը 1181 թ. հնագույն ընդօրինակություն է:

³² ՄՄ 1879, թ. 172թ-176ա:

նախապատմությունը՝ Հռոմի եպիսկոպոս Բեկտորի և Փոքր Ասիայի եպիսկոպոսների միջև եղած տարածայնությունները.

«Որպէս ասէ ի պատմութեանն, յամի ժ.երորդի թագաւորութեանն Կոմիտա իբրև լից և կատարեաց ի պաշտաման անդ եպիսկոպոսութեան Աղիւթորոս կալաւ յետ նորա Բիկտոր: Եւ յայնմ ժամ<ան> ակի իբրև լից կատարեաց Յուլիանոս զժ. ամն ի պաշտաման անդ եկեղեցոյն աղէքսանդրացոց: Կալաւ յետ նորա Դեմետրոս ի սոյն ժամանակս յայս և յեկեղեցոջն անտիռքացոց Ը.որդն յառաքելոց, անտի էր եպիսկոպոս Սէրապիոն: Եւ եկեղեցոյն Կեսարեա պաղեստինացոց առաջնոր էր Թէոփիլոս, բայց և Նարկէսոս ցայն վայր ունէր զպաշտաւն [լ] եկեղեցի Երուսաղէմի: Եւ ընդ այն ժամանակս էր եպիսկոպոս ի Կորլնթոս հելլացացոց Բաքիլոս, և յեկեղեցոյ անդ Զմիւռնեա՝ Պաւլիկարպոս: Եւ այլ ևս բազումք հանդերձ այսոքիւք սքանչելի էին յայնմ ժամանակի: Եւ զճշմարիտ հաւատու նոցա գրովք ընկալաք: Այլ քանզի խնդիր իսկ բազում շարժեցաւ յայնմ ժամանակի վասն աւուրն Զատկաց, քանզի եկեղեցիք, որ էին յամենայն կողմանս ասիացոց՝ իբրև յառաջին տուշութենէ անտի զԴժ. լուսնի պահէին և առնէին զաւր տաւնին զգառն հրէալքն, թէ յամենայն հնարից պիտո է, ասեն, զի ի նմա լուծցեն զպահսն, յորում աւուր դիպեսցի ի շաբաթէ անտի: Բայց այս ոչ պաշտէր ընդ ամենայն եկեղեցիս, որ են ընդ ամենայն աշխարհ՝ իբրև ի կարգէ տուշութեան առաքելոցն մինչև ցայս աւր ժամանակի պահի այս սովորութիւն, թէ յայլում աւուր ոչ ոք լուծցէ զպահս արտաքո, քան զաւր Յարութեան Փրկչին մերո»³³:

Այսպէս մանրամասնորեն նկարագրելով եկեղեցում տիրող իրավիճակը՝ Վարդան Արևելցին հասնում է Գրիգոր Նազիանզացու «Ի պահու իմում» ճառի գրության շարժառիթին: Ամփոփելով Գրիգորի պահքից գուրս շգալու որոշմամբ՝ հեղինակը սահուն անցնում է լուծմունքին, այնպէս կարծես պատճառն ու լուծմունքը չեն էլ կտրվում միմյանցից: Մեկնողական, գուցե և հոետորաբանական այս հնարքը Վարդան Արևելցին հաճախ է բանեցնում. պատճառից սահուն անցնում է լուծմունքին՝ ցույց տալով, որ վերջինս պատճառի հետ միասին տեքստային մեկ ամբողջություն է կազմում³⁴:

Վերը նշեցինք, որ «Ի պահու իմում»-ի պատճառը շարադրելիս Վարդան Արևելցին մեծապէս օգտվել է «Գիրք պատճառաց»-ի հեղինակ Գրիգոր Աբայանի աեսուրիթինից: Սա առաջին գեպքը չէ, երբ Վարդան Արևելցին Տոնապատճառի իր խմբագրության միավորները գրելիս քաղում է Գրիգոր Աբայանի «Գիրք պատճառաց»-ից: Այսպէս, «Պատճառ և թելադրութիւն չորից աւետա-

³³ ՄՄ 4139, թ. 229ա: Գրիգոր Աբայանի «Գիրք պատճառաց»-ում հատվածը անըն ՄՄ 1879, թ. 172թ:

³⁴ Հոետորաբանական գործիքակազմի վերաբերյալ դասական գործերից անըն Փրեյդեն- բերգ Օ., *Поэтика сюжета и жанра*, под ред. Н. Брагинской, Москва, 1997:

րանացն, թէ որպէս գրեցան» տոնապատճառային միավորի մեծ մասը Արևելցին վերցրել է Գրիգոր Աբասյանի համանուն մեկնությունից³⁵, «Ի Պատքայ և ի յեղգութիւն» միավորի պատճառը կրկին Գրիգոր Աբասյանի բնագրից է քաղված: Գրիգոր Աբասյանն էլ իր հերթին իր տեսությունները շարադրելիս քաղել է Դավիթ Քոբայրեցու և Վարդան Հաղբատեցու պատճառ-լուծմունքներից, Վարդան Հաղբատեցին մշտապես օգտվել է Եղիա Ասորու մեկնություններից, իսկ Քոբայրեցին՝ Եղիա Ասորու և Վարդան Հաղբատեցու հեղինակած պատճառ-լուծմունքներից: Այնուամենայնիվ, չի բացառվում, որ Արևելցին մեջբերումներն արել է ուղղակի Եղիա Ասորու և Դավիթ Քոբայրեցու բնագրերից: Ստորև բերվող այսնակներում երևում է Եղիա Ասորու և Վարդան Արևեցու բնագրերի նմանությունը:

Եղիա Ասորի,
Ի սուրբ Պատքայն, ՄՄ 1480

Տոնապատճառի Վարդան Արևելցու
խմբ., ՄՄ 4139

Զհաւատ ուղղափառութեան ամենայն Արդ, զհաւատոյ ուղղափառութիւն տիեզերք յառաքելոցն ընկալան զխոստութիւն ամենայն տիեզերք յառաքելոցն ուսման վանութիւն սուրբ երրորդութեանն և զմարիտ խոստովանութիւն երրորդութիւնստոփի տնտեսութեան, բայց կարգօք թեանն և զտնտեսութեան Քրիստոփի և կրօնիւք բազումք բաժանէին ի մի- մարմնաւորութեանն, բայց կրաւնիւք և մեանց, էր որ վասն տօնից, էր որ սակա կարգափ բաժանեալ էին ի միմեանց՝ և պահոց... (թ. 136ա):

որ վասն տաւնից, և որ վասն պահոց,
կամ այլ ինչ կարգաց քահանապութեան,
որպէս և վասն աւուր Զատկի բազում լինէր երկպառակութիւն (թ. 229ա):

Ինչ վերաբերում է Վարդան Արևելցու տոնապատճառային լուծմունքին, ապա այն թեև կրում է մի շարք ազգեցություններ, այնուամենայնիվ մնում է բացառիկ, և Արևելցու մեկնողական հանճարի արգասիքն է: Ի տարբերություն Վարդան Հաղբատեցու, որը Գրիգորի նախադասությունները մեջբերում է գրեթե ամբողջությամբ, Վարդան Արևելցին «մանրացնում է» դրանք, հերթականությամբ մեկ կամ երկու բառ: Բերենք մի օրինակ, որը հնարավոր կլինի համեմատել Հաղբատեցու մեկնությունից բերված դրվագի հետ:

[Բան] Եւ ես ընդ նմա այսաւր տուեցելով] ինձ: [Լծ.] Ես՝ ի վերա վիմի հաւատոյս: Կամ զիս.աւրեա պահսն ասէ: Ի վերա պահոցն, զի պահսն յամենայն շաբաթ պահէր և կիւրակէին պատարագ առնէր և այլ ոչ ուտէր: Եւ ուխտեաց Աստուծոյ՝ ոչ ուտել մինչև յայտնեսցէ, թէ ի յո՞ր աւր է Յարութիւնն:

³⁵ Մանրամասն տե՛ս Օհանջանյան Ա., Տօնապատճառ ժողովածուի Վարդան Հաղբատեցու ..., էջ 37-38:

[Բան] **Տուեցելով** ինձ ի Հոգոյն: [Լծ.] Եւ ինձ Հոգի ի ձեռնադրելն: Դու՝ իշխան, և ես՝ եպիսկոպոս: Եւ ես տեսանող մարդարէ եմ, որպէս դու: Եւ դիտեցի և ծանեաց: Այս Ամբակումա է: Զայս յառաջին բանն յարէ «Ի պահու իմ[ում]»: Եւ զայն թող, որ ասէ, թէ. «Եւ ես ընդ նմա այսաւր տուեաց [ինձ]»: Արդ՝ Ամբակումա, զոր ինքն խնդրեաց, ոչ յայտնեաց, բայց և ոչ անբաժան արար զինքն, զոր ի նոյն ժամ լւաւ բան, թէ. «Տէր, զլուր քո լուա»³⁶:

Գալով Վարդան Արևելցու լուծմունքի աղբյուրին, պետք է ասենք, որ վերը ներկայացված բնագրային բազմաշերտ քաղումների հետքերը տեսանելի են նաև այստեղ.

Տոնապատճառի	Դավիթ	Գրիգոր Աբասյան,	Տոնապատճառի
Վարդան	Քոբայրեցի, ի	Գիրք պատճառաց,	Վարդան Արևելցու
Հաղբատեցու խմբ.,	սուրբ Պատքայն,	ՄՄ 1879	խմբ., ՄՄ 4139
ՄՄ 2021	ՄՄ ձեռ 5602		

Այս զվերագրաւ նորին ի սուրբ Պատճառ ի պա- Յամենասուրբ
ճառիս չէ պարտ պատքայ Աստուծոյ հու իմում ճառին, Պատքայն. որպէս
զանց առնել, զի մերոյ և թէ զինչ զոր ասէ նորին ա- Կոյսն սուրբ կոչի,
ասէ յամենասուրբ պատքայն ասի. մենասուրբ Պատքայ նոյնպէս պատքայն
պատքայ ասացեալ Պատքայն սուրբ Տեառն. Պատքայն փրկութիւն, յարու-
ի մեծի Զատկին, ասի ի մերս լեզու սուրբ ասի ի մերս թիւն, ուրախութիւն
որպէս Կոյս սուրբ կամ ազատութիւն լեզու, կամ ազա- և սոյնք (թ. 231բ):
ասի, նոյնպէս և կամ յարու- տութիւն, կամ յա-
պատքայն է փրկու- թիւն... (թ. 50ա): րութիւն, կամ փո-
թիւն, ուրախու- փոխումն, կամ
թիւն, յարութիւն և փրկութիւն, կամ
այլ, որ ինչ այս- ուրախութիւն, զի
պիսի (թ. 165ա): որպէս կոյսն անուն
սրբութեան, նոյն-
պէս և պատքայն
սրբութեան և մաք-
րութեան անուն է ի
սրբոցն ասացեալ
(թ 172բ):

Վարդան Արևելցին օգտվել է Վարդան Հաղբատեցու տոնապատճառային լուծմունքից՝ անշուշտ ձեափոխելով և հարմարեցնելով իր էքզեկետիկ ճաշա- կին, հաճախ էլ նույն միտքը արտահայտելով ուրիշ տեղի մեկնելիս, ինչպես օրինակ.

³⁶ ՄՄ 4139, թ. 231ա-232բ:

**Տոնապատճառի Վարդան Հաղբատեցու Տոնապատճառի Վարդան Արևելցու խմբ.,
խմբ., ՄՄ 2021 ՄՄ 4139**

[Բան] ի պահու ի [մում] ասէ սքան- Եւ զայն թող, որ ասէ, թէ. [Բան] «Եւ ես շել[ին Ամբակում]: [Լծ.] «Աքանչելի» ընդ նմա . այսաւր տուեաց [ինձ]: [Լծ.] կոչէ զնա վասն մարգարէական հոգոյն, Արո՞՝ Ամբակումա, զոր ինքն խնդրեաց, ոչ զի սքանչացման իրք են գհանդերձեալսն յայտնեաց, բայց և ոչ անբաժան արար պատմել: Եւ դարձեալ, զի գԴանիէլ զինքն, զոր ի նոյն ժամ լւաւ բան, թէ. կերակրեաց ի գիրի անդ: Եւ այսոքիկ «Տէր, զլուր քո լուա»: Իսկ «սքանչելի» սքանչելիք մեծ էին, վասն որոյ զնա ասէ մի, զի մարգարէ է, և մի, զի «սքանչելի» կոչէ (թ. 165ա-165բ): գԴանիէլ կերակրեաց ի Բարելոն (թ. 231բ-232ա):

Այնուամենայնիվ, Վարդան Արևելցու լուծմունքը անկախ շարադրանք է, քանի որ նա, քաղելով ձեռքի տակ եղած աղբյուրներից, երբեմն բացարձակապես այլ մեկնություն է տալիս այս կամ այն արտահայտությանը: Խոսքը ոչ միայն մեկնության բովանդակության մասին է, այլև եղանակի. խուսափելով երկարաշունչ պատմական և տիպաբանական մեկնություններից, Վարդան Արևելցին խտացնում է ասելիքը այլաբանական-սիմվոլիկ մեկնության մեջ.

**Եղիա Ասորի, Ի սուրբ
Պատքայն, ՄՄ 1480 Տոնապատճառի Վարդան
Հաղբատեցու խմբ., ՄՄ Տոնապատճառի Վարդան
Արևելցու խմբ., ՄՄ 4139
2021**

[Բան] Եւ ահա այր ի վե-
րայ ելել ամպոց:[Լծ.] առն
տեսութեամբ և ես տեսի
գհրեշտակապետն Գաբրիէլ
ի միաշաբաթոցն գիշերի
(թ. 136բ):

[Բան] Եւ ահա այր մի
ելեալ ի վերայ ամպոց:

[Լծ.] Ոմանք գՔրիստոս
ասեն այր ի վերայ ամպոց
ելեալ և առնուն վկայ, թէ
եսափ ասաց. «Ահաւասիկ
Տէրն նստեալ ի վերա թե-
թեաւ ամպոց» և Դանիէլ,

թէ. «Տեսանէի և ահա Որդի
մարդո գայ ընդ ամպս երկ-
նից»: Այլ ի հաւաստի քննո-
ղաց գԴաբրիէլ իմանամք
զայրն ի վերայ ամպոց
ելեալ, զի որպէս ամենայն
տնօրէինութեանն Քրիստո-
սի նա՛ եղև սպասաւոր՝ ի
ծննդեանն անդ երևելով
Մարիամու և հովւացն և
Յովսեփա (թ. 165բ-166ա):

[Բան] Եւ ահա այր
ելեալ: [Լծ.] Ոմանք այր
գՔրիստոս ասեն, թէ նա
երկեցաւ, և առնուն վկա-
յ, թէ «Առն միոց էին Բ. որ-
դիք», և «Այր մի էր մեծա-
տուն»: Բայց ստոյգ Գաբ-
րիէլ է, զի «մարդ և Աս-
տուած» անունն ասի, որ է
«այր» (թ. 232ա):

Վարդան Արևելցին վարպետ է եռեղանակ և քառեղանակ հակիրճ լուծմունքի³⁷, ինչն իր արտահայտությունն է գտել նաև այս միավորի մի շարք տեղիներում: Որոշ մեկնություններ նա քաղում է նախորդ մեկնիշներից, բայց հավելում է նաև իր մեկնությունը: Որպես կանոն կամ թվարկում է դրանք, կամ էլ զատում միմյանցից «այլ» բառով: Բերենք մի քանի օրինակ.

[Բան] Եւ ամբարձ զձեռն իւր յարեւելու: [Լծ.] Մի, զի Քրիստոս ընդ այն վերացաւ, և Բ., զի ընդ նոյն գա, և Գ., զի մեք յորժամ խաւսիմք, զձեռս շարժեմք հրաշ բանից: Նոյն: Դ՝ Քրիստոս ձեռն եղ ի վերա առաքելոցն³⁸:

Կամ

[Բան] Պասքա Տեառն, Պասքա: [Եւ դարձեալ ասեմ Պասքա՝ պատիւ երրորդութեանն]: [Լծ.] Զատիկս Տեառն է, ոչ մարդո: Այլ՝ Հայր առաքեաց, Որդի՝ փրկեաց, Հոգի՝ նորոգեաց: [Բան] Պատիւ երրորդութեան է: Այլ՝ Գ., կիւրակէ: Առաջինն՝ միաշաբաթն, որ եղել լոյս, ոչ աւրհնի յումեքէ այն աւրն: Բ՝ Յարութիւն Քրիստոսի, որ ի հրեշտակաց միայն աւրհնեցաւ: Գ՝ Գալուստն ի Կյուրակէէ լինի, հրեշտակք և մարդիք աւրհնեն³⁹:

Կամ

[Բան] Գեղեցիկ էր եւ երեկ մեզ պայծառ [ազգեստութիւնն եւ լուսաւորութիւնն]: [Լծ.] Շրջառիւ: Այլ՝ մկրտեալք, որք մկրտեցան: Եւ կամ առաքինութիւն, լուսաւորութիւն զմոմեղէնսն ասէ: Այլ՝ զընթերցմոնքն ասէ: [Բան] Որ առանձինն և բազմութեամբ, որ ամեն ոք իւր մոմեղէն ունէր և բազումք ի մի: [Լծ.] Այլ՝ գեղեցիկ, որ մի է, և քաղաք, որ բազում է⁴⁰:

Կամ

[Բան] Փոքու և արժանաւորութեամբ: [Լծ.] Մերս փոքր է առ Աստուծոյ արժանաւորութիւնն: Բ՝ փոքր և մեծ եկեղեցիք: Գ՝ փոքր է մեր, բայց ընդունի⁴¹:

Գուցե թե հնարավոր լիներ հերքել Վարդան Արևելցու՝ սույն լուծմունքի հեղինակ լինելու հանգամանքը, եթե վերջինս «շմատներ» իրեն: Վարդան վարդապետը ոչ միայն հմուտ մեկնիշ էր, աշխարհագրագետ ու պատմաբան, այլև հրաշալի քերական էր, քերականության մեկնիշ, թարգմանիշ և խմբագիր: Եվ որպես այդպիսին՝ «Ի պահու իմում կացից» ճառի լուծմունքը շարադրելիս նա ի ցուց է դնում իր քերականական և թարգմանական գիտելիքները: Այսպես, Դիրքոր նազիանզացու ճառի որոշ տեղիներ մեկնելիս՝ տալիս է մանրակրկիտ քերականական բացատրություններ, այն դեպքում երբ մյուս մեկնիշները բավարարվում են տիպաբանական հակիրճ մեկնությամբ:

³⁷ Քառեղանակ մեկնության մասին տե՛ս H. de Lubac, *Medieval Exegesis: The Four Senses of Scripture*, trans. *Mark Sebanc*, 1-2 vol., Michigan: Edinburgh, 1998, նաև՝ F. Young, *Biblical Exegesis and the Formation of Christian culture*, Cambridge, 1997:

³⁸ ՄՄ 4139, թ. 232ա:

³⁹ Նոյն տեղում, թ. 232թ:

⁴⁰ Նոյն տեղում:

⁴¹ Նոյն տեղում:

Գրիգոր Ասվածաբան,
«Ի պահու իմում կացից»,
ՄՄ 946

Տոնապատճառի Վարդան
Արևելցու խմբ., ՄՄ 4139

Եղիա Ասորի, Ի սուրբ
Պատրիան, ՄՄ 1480

Եւ որպէս բազում ան-
գամ ի Գիրս հանդիպեալ
անգամի ի Գիրս հանդիպեալ
գտաք յանյայտագունիցն
փոփոխեալ ոմանց ի յա-
նուանցն ի յայտնագոյնսն
և կամ ի վայրենագունիցն
ի բարեձևագոյնսն:

Զսոյն և աստանաւր
տեսաք, քանզի փրկու-
թեան շարչարանացն զա-
նունս զայս լիալ ոմանք
կարծիցին: Եւ ապա հել-
լնացի արարեալ զձայնն
զ«Փիւր»-ն ի «Պէ» փոխե-
ցին: Եւ «Պատքա» զաւր
Փրկչին անուանեցին: Եւ
առեալ սովորութեանն
զձայնն հզաւրագոյն՝ արար
ընթացուցանելով ի յոլո-
վից լսելիս որպէս բարե-
պաշտագոյն բանիւ (թ.
103թ.-104ա):

[Բան] Որպէս [բազում
անգամ] ի Գիրս հանդիպեալ
գում անգամ ի Գիրս
գտաք յայնյայտագունիցն
փոփոխեալ ոմանց ի
յայտագունիցն փոփո-
անւանցն յայտնագոյնսնի:
իսեալ: [Ըս.] Որպէս Աբ-
[Ըս.] Աբրամ, Արրա՞
«իշխանութիւն իմ», Ավաէ յա-
ռաջ, յետո՞ Յեսու, Սիմոն

[Բան] Եւ որպէս բա-
զում ի Գիրս հանդիպեալ
գում անգամ ի Գիրս
գտաք յայնյայտագունիցն
փոփոխեալ ոմանց ի
յայտագունիցն փոփո-
անւանցն յայտնագոյնսնի:
իսեալ: [Ըս.] Որպէս Աբ-
[Ըս.] Աբրամ, Արրա՞
«իշխանութիւն իմ», Ավաէ յա-
ռաջ, յսկ յետոյ միոյ
տառին յաւելուածով
յայտնի եղեւ Աբրամ, որ
է հայր ընտրեալ հնչման:
Սոյնպէս և Սարային,
իսահակայն, Յեսուայն...
(թ. 138ա):

Են և են, որ կարծր՝ թ, թ, թ, վ,
սուր՝ վ, օ: Ի «Աէ»-ին տեղն
գնեն զ«Շէ»-ն որպէս Շամա-
րիայ, և կամ Շառւլ: Են են,
որ փոխեն զիրար, որպէս
ասես «Հնծան», գնես «Զայ»
ի ներս, և ասեն «Հնծան»: Են
զթեթեն ընդ մանրն խառնեն,
որ վերացանէ: Եւ գարձեալ՝
զծանրն ընդ թեթեն, զի
գով ութիւն տա բանին:
Նոյն է առ եբրայեցիսն:
«Փասխ», «զայ»-ն փոխեցին,
որ գեղեցիկ զբանն առներ:
«Սաւուղն»՝ «վայրենի»
փոխի (թ. 233ա):

[Բան] Քանզի փրկութիւն
շարչարանաց զձայնս ոմանք
կարծեն: [Ըս.] ի յերայե-
ցոյն՝ «փասխ», «զայ»-ն
«ախտակեր» ասի: Նա փո-
խեցին, որպէս բարեպաշտա-
գոյն բանիւ, զի «զախ-
տակերն» շրջեցին «փրկու-
թիւն» (թ. 233ա):

Հետաքրքրական է, որ Վարդան Արևելցու «ի Պահու իմում»-ի տոնապատճառային լուծմունքը հակաճառական ընգծված բնույթ չունի, ինչն ինքնին հակասում է Տոնապատճառի կազմության ընդհանուր տրամաբանությանը: Արևելցին Տոնապատճառի իր խմբագրությունը կազմելիս դիտավորյալ ստեղծել է մի շարք նոր մեկնություններ հենց միայն այս ժողովածուն հարստացնելու համար, այդ թվում Մեծ Պահքի շրջանի պահոց օրերի շղթայի մեկնությունները, որոնք շարադրելիս ծավալուն մեջբերումներ է արել իր հեղինակած «Ժղանքից» ու «Արարածոց» մեկնությունից⁴²:

Տոնապատճառի Վարդան Արևելցու խմբագրության հենքի վրա արված հետագա որոշ խմբագրություններում նրա «Մեկնութիւն արարածոց»-ից էլ ավելի ծավալուն հատվածներ են ընդգրկվում, սակայն գեթ մեկ ձեռագիր մեզ չի հանդիպել, որ պարունակի «ի պահու իմում կացից»-ի ՄՄ 4139-ի լուծմունքը: Փոխարենը մեծ թվով ձեռագրեր պարունակում են նույն ձառի՝ Վարդան Հաղբատեցու խմբագրության տոնապատճառային լուծմունքը: Ուստի, հարց է առաջանում. ինչո՞ւ նույն նպատակով և գրեթե նույն լսարանի համար ստեղծված երկու տոնապատճառային լուծմունքներից մեկը ներառվել է Տոնապատճառի հետագա խմբագրություններում և բազմիցս ընդօրինակվել նաև Վարդան Արևելցու խմբագրությանը պատկանող ձեռագրերում, իսկ Արևելցու տոնապատճառային լուծմունքը չենք կարողանում գտնել գեթ մեկ այլ ձեռագրում:

Դժվար է գտնել այս հարցի վերջնական պատասխանը: Կարելի է ենթադրել, որ Վարդան Արևելցու հեղինակած լուծմունքը, որը զուրկ է հակաքաղկեդոնական նրերանգներից, համարվել է «անմրցունակ», կորցրել իր կիրառական նշանակությունը և դուրս մնացել Տոնապատճառի կազմից: Բայց ավելի հավանական է, որ լինելով խիստ այլաբանական ու փոքր ինչ խրթին, այն «գժվարամարս» է գտնվել իր լսարանի համար, քանի որ Տոնապատճառ ժողովածուն, որի կազմում ընդգրկվել է այս լուծմունքը, կիրառվել է վարդապետանոցներում և վանական դպրոցներում ուսուցողական նպատակներով, և թերեւս այս նպատակներին լավագույնս ծառայել է Վարդան Հաղբատեցու հեղինակած դյուրըմբոնելի լուծմունքը:

⁴² Տե՛ս օրինակ՝ ՄՄ 4139, թ. 147_Բ-154_Ա:

ANNA OHANJANYAN
**NEWLY DISCOVERED COMMENTARIES ON THE PASCHAL
ORATIONS OF GREGORY NAZIANZEN IN THE *TONAPATCHAR*
COLLECTION (COMMENTARIES ON CHURCH FEASTS)**

Keywords: Gregory Nazianzen, Tonapatchar, commentary, Vardan Arewelc'i, Vardan Hałbatec'i, paschal orations, interpretation, polemical literature, Armenian church

The *Tonapatchar* collection contains commentaries on church feasts and was designed mainly for didactical and polemical purposes. Several recensions of this collection (up until the late 13th century) are known to scholars. The most significant and influential recensions are by Vardan Hałbatec'i (d. ca. 1193/95) and Vardan Arewelc'i (ca. 1200-1271), renowned theologians of the Hałbat school. Both authors wrote a number of commentaries specifically to be included in the *Tonapatchar* collection. Most of them, however, to this day remain anonymous. The commentaries on Gregory Nazianzen's First (1) and Second (45) Paschal Orations are anonymous. The current paper focuses on two different versions of commentaries on Gregory Nazianzen's Second Paschal Oration (45) found in Vardan Hałbatec'i's (MS M2021) and Vardan Arewelc'i's (MS M4139) recensions of *Tonapatchar*. Some textual hints along with exegetical peculiarities in the given micro-historical context support the hypothesis that the authors are Vardan Hałbatec'i and Vardan Arewelc'i. Several copies of Vardan Hałbatec'i's version have survived, and it was included in *Tonapatchar*'s later recensions, while Vardan Arewelc'i's commentary can only be found in the manuscript M4139.

АННА ОГАНДЖАНИЯН
**НОВОНАЙДЕННЫЕ ТОЛКОВАНИЯ НА ПАСХАЛЬНЫЕ СЛОВА
ГРИГОРИЯ НАЗИАНЗИНА В СБОРНИКЕ *ТОНАПАТЧАР* (ТОЛКО-
ВАНИЯ НА ЦЕРКОВНЫЕ ПРАЗДНИКИ)**

Ключевые слова: Григорий Назианзин, Тонапатчар, комментарий, Вардан Аревелци, Вардан Ахпатеци, пасхальные слова, толкование, полемическая литература, Армянская церковь.

Сборник *Тонапатчар* (“Толкования на Праздники”) содержит толкования и разъяснения на церковные праздники и создан в дидактических и полемических целях. Специалистам давно знакомы

несколько редакций данного сборника, которые создавались вплоть до конца XIII века. Самые важные и наиболее влиятельные редакции принадлежат знаменитым богословам Ахпатской школы Вардану Ахпатеци (ум. 1193/95) и Вардану Аревелци (ок. 1200-1271). Оба автора написали несколько комментариев специально для включения в сборник *Тонапатчар*, и многие из них до сих пор оставались анонимными. Комментарии на Первое (1) и Второе (45) Слово на Пасху принадлежат к их числу. В данной статье рассматриваются две разные версии толкования на Второе (45) Пасхальное Слово Григория Назианзина, сохранившиеся в редакциях *Тонапатчара* Вардана Ахпатеци (рук. 2021 Матенадарана) и Вардана Аревелци (рук. 4139 Матенадарана). Некоторые текстовые и экзегетические особенности в данном микро-историческом контексте позволяют приписать эти комментарии Вардану Ахпатеци и Вардану Аревелци. Версия толкования, составленная Варданом Ахпатеци, многократно копировалась и была включена в последующие редакции *Тонапатчара*, тогда как текст толкования Вардана Аревелци можно найти лишь в единственном экземпляре в рукописи Матенадарана 4139.